

吳評韓翰林集

關中叢書

韓翰林集

邵力子署

陝西通志館印

韓翰林集敘

往歲余用桐城吳先生羣書點勘讀公詩至香奩集嘗題
七字句近體詩於後謂與李義山無題諸作皆可當賈生
之痛哭蓋公詩法初受之義山最爲深隱難讀及其後國
亡家破身世亂離所感公乃別創一境其忠孝大節形於
文墨者非唯義山不能與抗顏行而調適上遂追及杜公
軼塵並殿全唐爲後勁則今所傳韓翰林詩集是也其初
傳者後惟香奩鳩集復得百篇而所謂歌詩千首十蓋不
能一二觀公自敘其香奩可見也梁主被弑後昭宗死才
十年此公所最快意而喜爲攄寫者也其先昭宗又早出

之於外辟地遠方心有所感皆可以昌言直斥惟盜未入
關之先蘊蘊焚焚大亂將作諸在勢要猶自曹然恣其威
福語多忌諱此則公與義山所遇之時略同默爾不可語
又不能不得已而假物寓興主文譎諫甚至下乃託於男
女媒褻之事賈生痛哭蓋猶不足以喻之嗚呼士生不時
痛哭亦多途矣醇酒美女游仙佞佛日卜星相託一技以
自混者勿論已後漢氣節兩晉風流宋元至明之道學清
之攷據羣焉爭趨視爲博取富貴弋獲聲名之具而亦竄
身其中自謀老死與痛哭天生所異唯遲早耳五三去我
日遠矣材識愈高偶合愈難不唯人事然也義山之詩至

深隱知之者尙多公則生氣凜凜鬱勃紙上灼如觀火光
與日月爭明自唐至今經千年後生之與斯文者猶未絕
於天下人皆熟視若無睹而時俗所好香奩體公所自謂
傳在人口者則嫁名他人甚且被以不肖之名也嗚呼此
公緝綴舊詩所爲悲無人會而一吟一泣而後人讀之亦
可爲痛哭吳先生表章之不容以已也冀州趙衡

韓翰林集卷一

翰林學士承旨行尚書戶部侍郎

知制誥上柱國萬年韓偓致堯撰

桐城吳汝綸摯甫評注

雨後月中玉堂閒坐

韓公爲翰林學士在昭宗天復元年先是昭宗爲中尉劉季述

所幽及反正韓公與謀故擢學士

銀臺直北金鑾外暑雨初晴皓月中唯對松篁聽刻漏一作

漏更無塵土翳虛空綠香熨齒冰盤果清冷侵飢水殿風

夜久忽聞鈴索動玉堂西畔響丁東

元注禁署嚴密非本院人雖有公事不敢

遽入至於內夫人宣事亦先引鈴每有文書卽內臣立於門外鈴聲動本院小判出受受訖授院使院使授學士

六月十七日召對自辰及申方歸本院

是時崔胤爲相欲盡誅宦

官昭宗獨召韓公問計公請擇數人置之于法撫諭其餘使咸自安此詩召對是其事也

清暑簾開散異香恩深咫尺對龍章

一作尋常

發日向壺中特地長坐久忽疑

一作驚

查犯斗歸來兼恐海

生桑如今冷笑東方朔唯用談諧侍漢皇

與吳子華侍郎同年玉堂同直懷恩

一作昔

敘懇因成

長句四韻兼呈諸同年

往年鶯谷接清塵今日鰲山作侍臣二紀計偕勞筆研

注元

余與子華俱久困名場

一朝宣入掌絲綸聲名烜赫文章士金紫雍

容富貴身絳帳恩深無報路

一作路報

語餘相顧卻酸辛

和吳子華侍郎令狐昭化舍人歎白菊衰謝之絕次

用本韻

昭化令狐渙也

正憐香雪披

一作飛

千片忽訝殘霞覆一叢

此花將謝還似卻有紅色

妖姬長年後酒酣雙臉卻微紅

中秋禁直

星斗疎明禁漏殘紫泥封後獨憑闌露和玉屑金盤冷月
射珠光貝闕寒天襯樓臺籠苑外風吹歌管下雲端長卿
祇爲長門賦未識君臣際會難

舊說此爲朱全忠之毀非也昭宗待韓公始終不衰

并不以全忠之毀而異此詩當是未播遷時入直禁中之作

錫宴日作

元注是歲大稔內出金幣賜百官充觀稼宴學士院別賜越綾百匹委京兆府勾當

後宰相一日
宴於興化亭

玉銜花馬蹋香

一作天

街詔遣追歡綺席開中使押從天上

去

元注是日在外四學士排門齊入同進狀辭赴宴所奉宣差學士院使二人押去

外人知自日

邊來臣心淨比漪漣水聖澤深於漱盪杯纔有異恩頒稷

契已將優禮及鄒枚清商適

一作迴

向梨園降妙妓新行峽

雨迴不敢通宵離禁直晚乘殘醉入銀臺

元注當直學士二人至晚學士

院使二人卻押入直餘四人在外可以卜夜內臣去外知熟間丞郎給舍多來突宴余是日當直故有是句

侍宴

蠶黃蝶粉兩依依狎宴臨春日正遲密旨不教江令醉麗

華

一作貴妃

微笑認皇慈

宮柳

莫道秋來芳意違宮娃猶似妬蛾眉幸當玉輦經過處不
怕金風浩蕩時草色長承垂地葉日華先動映樓枝澗松
亦有凌雲分爭似移根太液池

苑中

上苑離宮處處迷相風高與露盤齊金階鑄出狻猊立玉

柱雕成佛秣

一作秣猊一作翡翠

啼外使調鷹初得按

元注五方外按使以鷹隼

初調習始能擒獲謂之得按

中官過馬不教嘶

元注上每乘馬必闔官馭以進謂之過馬既乘

之而後蹀躞嘶鳴

笙歌錦繡雲霄裏獨許詞臣醉似泥闕生案此在危亂之

中而陳述恩幸故其詞沈鬱特有深旨以上諸詩皆有此意

從獵三首

獵犬諳斜路宮嬪識認

一作畫

旗馬前雙兔起

一作走

宣示

一作

爾羽林兒

小鎧狹鞦

一作韓

鞘鞍輕妓細腰有時齊走馬也學唱交交

蹀躞巴駙

一作陵

駿毳毼碧野雞忽聞仙樂動賜酒玉偏提

辛酉歲冬十一月隨駕幸岐下作

辛酉即天復元年十一月韓全誨却

昭宗幸鳳翔依李茂貞無題詩序所云十月末余在內直一旦兵起隨駕西狩是其事也當時事起倉卒故有曉題夜發一聯是日開延英議政全誨已密遣人送諸宮人先之鳳翔矣

曳裾談笑殿西頭忽聽征鐃從冕旒鳳蓋行時移紫氣鸞旗駐處認皇州曉題御服頒羣吏夜發宮嬪詔列侯雨露

涵濡三百載不知誰擬殺身酬

冬至夜作

元注天復二年壬戌隨駕在鳳翔府是時昭宗幸鳳翔朱全忠自河中率兵圍鳳

翔奉表迎駕所謂陰冰莫向河源塞也陽氣今從地底回者謂李茂勳救鳳翔王師範討朱全忠詐爲貢獻包束兵仗入汴西至陝華也末句恐勤王之師又將尾大不掉爾

中宵忽見動葭灰料得南枝有早梅
四野便應枯草綠九重先覺凍雲開
陰冰莫向河源塞陽氣今從地底迴
不道慘舒無定分卻憂蚊響又成雷

秋霖夜憶家

元注隨駕在鳳翔府

垂老何時見弟兄背燈愁

一作悲

泣到天明不知短髮能多

少一滴秋霖白一莖

恩賜櫻桃分寄朝士

元注在岐下

未許鶯偷出漢宮上林初進半金籠
蔗漿自透銀杯冷朱實相輝玉碗紅
俱有亂離終日恨貴將滋味片時同
霜威食藥應難近宜在紗窗繡戶中

出官經硤石縣

元注天復三年二月二十二日崔胤與朱全忠皆惡韓貶爲濮州司馬

昭宗執手流涕曰我左右無人矣

謫宦過東畿所抵州名濮

元注是月十一日貶濮州司馬故里欲清明臨

風堪慟哭溪長柳似帷山暖花如醖
逆旅訝簪裾

元注南路以久

無儒服經過皆相聚悲喜野老悲陵谷
暝鳥影連翩驚狐尾燾簌一作邀

尙得佐方州信是皇恩沐

訪同年虞部李郎中

元注天復四年二月在湖南天復四年即天佑元年蜀王建

以天佑爲朱全忠所改故祇稱天復年號韓公殆與建同愜

策蹇相尋犯雪泥
廚煙未動日平西
門庭野水襴襜驚鄰
里短牆咿喔雞未入
慶霄君擇肉畏逢華
轂我吹壅地爐
貰酒成狂醉更覺襟懷得喪齊

贈漁者

元注在湖南

箇儂居處近誅茅
枳棘籬兼用筱梢
盡日風扉從自掩
無人箇釣是誰拋
城方四面牆陰直
江闊中心水脈均
我亦好閑求老伴
莫嫌遷客且論交

五十六所謂六字常語一字難者也

春陰獨酌寄同年虞部李郎中

元注在湖南

春陰漠漠土脈潤春寒微微風意

一作氣

和閑啍入甲奔競

態醉歌落調漁樵歌詩道揣量疑可進宦情刊缺轉無多
酒酣狂興依然在其奈千莖鬢雪何

奉和峽州孫舍人肇荆南重圍中寄諸朝士二篇時

李常侍洵嚴諫議龜李起居殷衡李郎中冉皆有

繼和余久有是債今至湖南方暇牽課

是時淮南將李神福

擊鄂州節度使杜洪朱全忠令荆南節度使成汭
及湖南馬殷救鄂汭兵東下殷乘虛襲陷江陵大
掠而去汭將士以家亡無鬪志爲神福所敗雷彥
威遂襲據荆南趙匡凝又令其弟匡明擊走彥威

取荆南地

敏手何妨誤汰金敢懷私念數羊斟直應宣室還三接未

必豐城便陸沉熾炭一爐眞玉性濃霜千澗老松心私恩

尙有捐軀誓況是君恩萬倍深

私恩謂孫於荆南帥也君恩謂己於昭宗

征途安敢更遷延冒入重圍勢使然衆果卻應存苦李五

餅惟恐竭甘泉多端莫撼三珠樹密策尋遺七寶鞭黃篋

舫中梅雨裏野人無事日高眠

後一首己與孫合寫承前首收二句兩首相聯爲章

法

雪中過重湖信筆偶題

一作成

道方時險擬如何謫去甘心隱薜蘿青草湖將天暗合白

頭浪與雪相和旗亭臘酎踰年熟水國春寒

一作帆

向晚多

處困不忙仍不怨醉來唯是欲傴僂